



# ШЫН

НИИТИЛЕЛ-ПОЛИТИКТИГ СОЛУН

1925 чылдың  
август 31-де  
үнүп эгелээн

№ 44 (16992)

2005 чылдың  
АПРЕЛЬ 26,  
ВТОРНИК

Номерни парлалгаже  
дужааганы:  
график езугаар — 21.00,  
херек кырында — 19.30  
Садар өртээ — 3 рубль.

Май 1-ге уткуштур

## Кыйгырыы: Амыдыралды ЭКИЖИДЕРИ ДЭЭШ

Тыва Республиканың профэвилелдериниң федерация чөвүлелиниң Президиумунуң апрель 20-де болуп эрткен хуралында Тыва Республикага май 1-ниң хүнүндө «Амыдыралды экижидер дээш» деп кыйгырыгылыг митингилер болгаш чыскаалдар эрттирерин шиитпирлээн.

Россияның профэвилелдери моон мурнунда ышкаш май 1-де акцияга идепкейлиг киржир. Россияның Хамаарышпас профэвилелдериниң федерациязының удуртулгазы бо чылын май 1-ни шалың төлөвирин бедидер болгаш социал магадылалды хандыраар дээш профэвилелдериниң коллективтиг шимчээшкениниң хүнү кылдыр чарлаан.

Күрүнениң Частың болгаш Күш-ажылдың чаңчыл болу берген Май бириниң байырлалы — Бүгү-делегейниң ажилчы чоннарының эп-сеткил каттыштырылганының хүнү, ол ажилчыларның социал-экономиктиг эргелери дээш демисели-биле сырый холбаалыг. 2005 чыл профэвилелдеринге онзагай, Россияга профэвилелдериниң шимчээшкениниң 100 чыл ою болур. Ынчангаш профэвилелдери бодунуң юбилейлиг чылында профэвилелдериниң шимчээшкенин идепкейжи-

дерин, ооң ат-алдарын көдүрерин, профэвилелдериниң сорулгаларын чедингир тайылбырлаарын, кежигүннериниң санын өстүрерин Россияның Хамаарышпас профэвилелдериниң федерациязының Чиңгине чөвүлелиниң доктаалында айыткан. Профэвилелдериниң кол сорулгазы болза, чонну шуптузун ажил-биле хандыраары, ажил-чыннарга, ажил-ишчилерге эки шалыңны бээри, оларга бүзүрелдиг социал магадылалды тургузары болур.

Россияның профэвилелдериниң чаңчыл болган май бириниң акциязынга «Чаңгыс демниг Россия» партиязының Тывада девискээр салбыры киржир. Профэвилелдери-биле кады Частың болгаш Күш-ажылдың хүнү уткуур, эп-сеткил каттыштырылганы, чоннуң сонургалы дээш туржур.

Альберт ХОМУШКУ.

Часкы тарылга

## ШЫК БАЗЫРЫЫШ- КЫНЫ ЭГЕЛЭЭР



Кожуунуң чер болгаш өнчү-хөреңги эргелелиниң даргазы Т.А. Хурең-оол, «Кызыл тараачын» кооперативиниң кол агроному А.И. Жирнов биле кол инженер А.Г. Цыбин.

Бии-Хем кожуунуң «Кызыл тараачын» көдээ ажил-агый кооперативиниң хову бригадазы сөөлгү каш чылдарда кожуунуң кол тараа бүдүрүкчүзү болуп артпышаан. «Кызыл тараачынның» кожуун төвүндөн ырак эвесте даг баарында хову бригадазының турлаанга чедип, ажил-агыйның часкы тарылга ажилдарына белеткелин сонургадывыс.

Бригада 2-3 хонуктан шык базырырынга белеткенип турар. Олар эрткен чайын 3400 гектар черни аңдарып алган. Ам ооң шыгын базырып илииртээр, үнүп келген оьдун аштап-арыглаар болгаш тараа тарыыр ажилдарны чорудуп турар. Бо чазын аңаа немей 488 гектар черни аңдарары көрдүнген. Тараа культураларындан кызыл-тасты 2467 гектарга, арбайны 397 гектарга, суланы 756


гектар черге тарыыры көрдүнген. Оон аңгыда эрткен күзүн 763 гектар шөлде көк-тараа тарыттыган. Ол ышкаш тараа тарылгазы доозулган соонда 268 гектар черге мал чеми тарыырын планнап турар. Ногаа, картофель аймаан олар чылдың-на боттарының хереглелинге четчир кылдыр тарып турар.

(Уланчызы 2-ги арында).



## “ШЫН”-2005

2005 чылдың май 9-та «Хүреш» стадионунга «Шын» солунуң шаңналы дээш национал тыва хүрештиң чаңчыл болган маргылдаазын бо чылын Ада-чурттуң Улуг дайынынга Тиилелгениң 60 чылынга, «Шын» солунуң баштайгы номериниң чырыкче үнгениниң 80 чылынга тураскаадып эрттирер.



Бо улуг байырлалдарга тураскааткан 128 мөгениң тыва хүрешке маргылдаазы май 9-та 14 шакта «Хүреш» стадионунга эгелээр. Аңаа республиканың болгаш найысылалдың эң шыырак мөгелери киржир.

ДЕТКИКЧИЛЕРИВИС:

1. Күрүнениң механизастаттыг ажилдар чорудар эргелели (Г.А. Смирнов).
2. «Тыва мебель» КХЭ (директору С.И. Пешков).
3. «Федералдыг автоорук М-54 «Енисей» эргелели (начальниги С.С. Санаа).
4. ТР-ниң Орук агентилели (Д.Ч. Ондар).
5. Республиканың Хереглечилер эвилелиниң бараанны мөөңү-биле садар рынок (директору В.К. Ооржак).
6. «Башкы» сеткүүл (кол редактору Н.С. Конгар).
7. «Тыва Республика» солуну (кол редактору М.К. Калчан).
8. ТР-ниң арга ажил-агый агентилели (С.В. Сапелкин).
9. «Тывахарылзаинформ» ААН (В.Т. Сандан).

10. Федералдыг почта харылзаазының Тыва Республикада эргелели (А.С. Оюн).
11. «Чаңгыс демниг Россия» партиязы (М.И. Ондар).
12. Хоочуннар болгаш инвалидтерниң бажың-интернады (К.С. Дилак).
13. Өвүр кожуунуң Саглы ортумак школазы (директору М.В. Дондуп).
14. Кызыл кожуунуң Ээрбек сумузунда арат А.Б. Монгуш.
15. Кызылдан тренер Р.А. Монгуш.
16. Кызыл кожуунуң Ээрбек сумузундан арат Р.М. Алаш-оол.
17. Кызыл кожуунуң Баян-Кол сумузунда арат А.Б. Содунам.
18. «Мажалык» КХЭ (директору Р.С. Монгуш).
19. «Кызылдың дааранылга фабриказы» ККБ (директору М.Ш. Очур).

## 2005 чылдың ийиги чартыында «Шын» солунга чагыдылга уламчылап турар. ЧАГЫДЫП АЛЫРЫНЧЕ ДАЛАЖЫҢАР!

«ШЫН» — ниитилел-политиктиг солун, неделяда үш катап үнер. Номчукчулар-биле быжыг харылзаалыг. Номер бүрүзүңге бүдүрүлгелерде, организацияларда, өөредилге, культура албан черлеринде чаартылгаларны, көдээниң амыдыралын чырыдып, олышкаш номчукчуларның чагааларын тускай арыннар кылдыр белеткеп үндүрүп турар.

Ийиги чартык чылда чагыдылганың өртээ:

Хууда чагыдыкчыларга — 264 рубль;  
ооң иштинде редакцияга — 126 рубль,  
почта чедирилгези — 138 рубль.

пенсионерлерге чигелделег — 230 рубль;  
Организацияларга — 300 рубль.  
3 айда хууда чагыдыкчыларга — 132 рубль,  
пенсионерлерге — 115.









# Бойдус болгаш кижжи

## СОЦГААРЛАДЫШ БОЛБАС ХЕМЧЕГЛЕРНИ АЛЫР

Апрель 22-де Тыва Республиканың арга-арыг фондузунга арга-арыг өрттерин өжүрерин организаастаарының айтырыгыларының талазы-биле республиканың арга-арыг ажилдакчыларының хуралы болуп эрткен. Хуралга ТР-ниң Чазак Даргазының бирги оралакчызы Ш.В. Кара-оол, Чазак Даргазының оралакчызы С.А. Барыбин болгаш хамаарылгалык яамыларның, ведомстволарның удуртукчулары, кожуун чагыргаларының даргалары база республиканың Арга-арыг ажил-агый агентилелиниң ажилдакчылары киришкен.

Хуралды ТР-ниң Чазак Даргазының бирги оралакчызы Ш.В. Кара-оол башкарып эрттирген. Хуралга улуг илеткелдер-даа кылбаан, ону «Төгерик стол» хевирлиг эрттиргени дыка эптиг болган. Республиканың Арга-арыг ажил-агый агентилелиниң удуртукчузу С.В. Сапелкин бо чылдың арга-арыг өрттеринге белеткел ажилдарының канчаар чоруп турарының дугайында хуралдың киржикчилеринге кыска илеткелди кылган.

Бо чылдың март 30-де Красноярск хоорайга РФ-тиң Президентизиниң Сибирь федералдыг округта бүрүн эргелиг төлээзиниң аппараттарының ажилдакчыларының болгаш Россияның Онза байдалдар яамызының Сибирь девискээринде кезээни удуртулга составының киржилгези-биле «2005 чылдың арга-арыг өрттеринге белеткел ажилдарының чоруп турары болгаш кол тургустунуп турар айтырыглар база ону шиптирлээри» деп айтырыгы болуп эрткен хуралга бистиң республикадан ТР-ниң Чазак Даргазының оралакчызы А.В. Брокерт, республиканың Арга-арыг ажил-агый агентилелиниң удуртукчузу С.В. Сапелкин, РФ-тиң Онза байдалдар яамызының кол эргелигиниң Тыва Республика талазы-биле начальнигиниң оралакчызы Е.Д. Байыр-оол киришкеш, келгеннер.

С.В. Сапелкин бодунуң чугаазына РФ-тиң Арга-арыг кодекзиниң 47, 100-кү чүүлдеринге дүүштүр 2004 чылдың декабрь 29-та №199-ФЗ «Россия Федерациязының субъектилериниң күрүне эрге-чагырга органнарының хүлээлгезиниң калбарганы-биле холбаштыр Россия Федерациязының хоойлужулга актыларынага өскерилгелер кирир база Россия Федерациязының муниципалдыг тургузуларының тус черге шиптирлээр айтырыгыларының даңзызының калбарганының дугайында» Федералдыг хоойлуга дүүштүр арга-арыг өрттерин өжүрери Россия Федерациязының субъектилеринге онаажып турар, тодаргайлаарга, бистиң республиканың Чазанга ол айтырыг тургустунар.

Бо айтырыгны шиптирлээри-биле азы арга-арыг өрттерин өжүрер ажилды организаастаарын ТР-ниң Чазаның 2005 чылдың март 28-те №382 доктаалы-биле республиканың арга-арыг фондузунуң девискээринге арга-арыг өрттерин өжүрерин организаастаар эрге-хүлээлгени ТР-ниң Бойдус ажилгала яамызына хүлээлгедирген. Амгы күштүг болуп турар хоойлужулгага дүүштүр республиканың арга-арыг фондузунга арга-арыг өрттерин өжүрерин организаастаар талазы-биле ТР-ниң Чазаның 2005 чылдың март 28-те №382 доктаалы күүседир сорулга-биле республика девискээринге арга-арыг өрттерин өжүрерин организаастаар талазы-биле Бойдус ажилгала яамызы биле республиканың Арга-арыг ажил-агый агентилелиниң аразында дугуржулга

чардынган болгаш ооң-биле чергелештар Бойдус ажилгала яамызы-биле республиканың арга-арыг ажил-агыйлары база керээни чарган.

2005 чылдың өрт сезонунуң бетинде республиканың 10 арга-арыг ажил-агыйлары, 32 лесничестволарны белениниң байдалына тургускан. Өртке удур ажилгалаар 19 өрт-химия станцияларының 17-зин белен байдалга тургускан. Өрт хайгаараар 18 постулары дерип белеткээн, оларның 15-и эң бедик черлерде. Кывар-чаар материалдарның 47 тонна курлавырын, өрт өжүрериниң күштүг 17 бөлүктөрүн, эки тураның 26 дружиналарын тургускан. Өрт өжүреринге 16 тракторларны септеп белеткээн, 14 арга-арыг өрттеринге ажилгалаар мотопомпаларны, 19 өрт доскаарларын тургускан.

Республиканың Арга-арыг ажил-агый агентилелиниң удуртукчузу С.В. Сапелкин бо чылдың өрт сезонунга белеткел ажилдарын чугаалап тургаш, федералдыг бюджеттен кээп турар акша-хөреңгиге кысказы-биле доктааган. Федералдыг бюджеттен 9 млн. рубль кээри көрдүнгөн турган. Апрель 20-ге чедир 3,6 млн. рубль келген. Ол акша-биле 160 муң рубльге эм-таң аймаан, 1,0 млн. рубльге артык кезектерни, 200 муң рубльге ыяш хирээлерин болгаш өске-даа дериг-херекселдерни садып алган.

Республиканың Арга-арыг ажил-агый агентилели 2005 чылдың чакы өрттеринге белеткел ажилдарының талазы-биле джаалды үндүргөн, өртке удур ап чорудар хемчеглерниң планын бадылаан. Кожуун чагыргалары тус черде турар арга-арыг ажил-агыйлары-биле арга-арыг өрттеринге удур кады ажилдакчыларның план хемчеглерин бадылап, хуралдарны эрттирген. Ынчалза-даа Чеди-Хөл, Танды, Мөңгүн-Тайга, Бай-Тайга кожууннар арга-арыг өрттеринге удур демисежириниң план хемчеглерин ам-даа хүлээп албаан болуп турар.

Апрель 20-ниң байдалы-биле алырга, республика девискээринге 1758,8 га черге 8 арга-арыг өрттери болган. Ол арга-арыг өрттерин өжүреринге 71 арга-арыг камгалалының ажилдакчылары, техниканың 18 хевирлери киришкен. Сес арга-арыг өрттериниң 3-ү Каа-Хем кожуунуң девискээринге, 5-и Балгазының хадылыгы арга-арыгына болган. Бо чылгы өрттер эрткен чылдың деңгелинде эрте эгелээни С.В. Сапелкин илеткелдинге демдеглээн.

Россияның агаар медээзи бээр төптүң берип турар дыңнады-биле алырга, бо чылдын Сибирь девискээринге кончуг изиг болуп, кандаашкын болуп болур деп турар. Ынчангаш арга-арыг өрттерин баш удур өжүрер талазы-биле соңгаарладып болбас хемчеглерни алырын С.В. Сапелкин арга-арыг ажил-агыйларының удуртукчуларына сагындырып чугаалаан.

Тыва Республиканың бо чылгы бюджетинде арга-арыг өрттерин өжүрер талазы-биле акша-хөреңги көрдүмзүн болганы кай-

гамчык. Республика девискээрин агаардан хайгаараарына бо чылын 230 шак ужудуушкунну бергени чогуур негелдеге дүүшпейн турарын С.В. Сапелкин база демдеглээн.

ТР-ниң Чазак Даргазының бирги оралакчызы Ш.В. Кара-оол хуралды башкарып эрттирип тургаш, бойдуска хамаарылгалыг республиканың кол албан черлериниң удуртукчуларын тургузуу, оларның белеткелин сонуургаан. Туранның арга-арыг ажил-агыйының директору В.М. Шейбин бодунуң саналына хову өрттеринче кичээниги угландырган. Кандыг-даа контроль чок савааны, сигенни өрттедип турар. Арга-арыг өрттери-биле демиселди бир дугаарында кожуун, суму чагыргалары кичээниге алырын сүмөлээн.

Барыын-Хемчиктин арга-арыг ажил-агыйының кол лесничийи

### Хүн айтырыында: арга-арыг камгалалы

Михаил Хомушку арга-арыг ажил-агыйларын өрт өжүрер дериг-херекселдер-биле хандыраарын дилээн. Эрзин кожуун чагыргазының даргазы А.Ч. Комбу бодунуң саналына чакы өрттерге удур белеткел ажилдарын чорудар талазы-биле доктаалды хүлээп ап, керээни чарганын демдеглээн. Кывар-чаар материалдың курлавырын тургузары бергедеп турар. Кожуунуң суур бүрүзүнде өрт өжүрериниң эки тура дружиналарын тургускан, оларның өөредилгезин организаастаары чугула дээрзин айтып, республиканың Арга-арыг ажил-агый агентилели бодунуң ажилын ак сеткилдиг чорударын чугаалаан.

Агаардан хайгаарал чорудар Красноярскиниң авиабазазының Кызылда авиаотрядының начальниги В.В. Лесковтуң адынга чидиг шүгүмчүлелдерни «Тываның агаар шүгүмчүлелери» ААН-ниң чиңгине директору С.С. Күжүгет, Арга-арыг ажил-агый агентилелиниң удуртукчунуң оралакчызы В.И. Шишкин кылганнар. Санал берген арга-арыг ажил-агый ажилдакчылары акшаны Кызылга тудуп чытпайн, кожууннарына бээрин дилээнер. Хуралга республиканың Арга-арыг курлавырларының агентилелиниң директору В.И. Канзай, РФ-тиң Онза байдалдар яамызының кол эргелигиниң Тыва Республика талазы-биле начальнигиниң оралакчызы В.Д. Сириң, Хамааты камгалал болгаш онза байдалдар агентилелиниң директору Н.М. Монгуш болгаш өскелер-даа санал берген.

ТР-ниң Чазак Даргазының бирги оралакчызы Ш.В. Кара-оол хуралдың түңнелин үндүрүп тургаш, өрт болган таварылгада ону улгаттырбайн, бүгү күштү мөөнөп тургаш өжүреринче онза кичээниги угландырган. Эң ылаңгыя өртке удур белеткел ажилдарына чүгле тус черде турар арга-арыг ажил-агыйлары чорудар эвес, орта кожуун, суму чагыргалары деңге киржирин демдеглээн.

Сергей ХЕРТЕК.

## БИСТИ ӨӨРТҮР

Бурун шагның Бурган номналында Чер-делегейде үш халап барын айтып бижээн. Бирги халап — суг, ийигизи — хат, а үшкүзү — өрт. Бирги, ийиги халап берге-даа болза, бүдүн делегейге улуг хора чедирип шыдавас. Кижилер, аңнар, куштар, өт-сиген, ыяш-даш дээн чергелиг бүгү-ле чүүлдер оон хоргадаар черлерни тып, амыт-ынныг артып каап болур. Өрт азы от халаптан кандыг-даа амытан чаштынып, амыт-ынныг үнүп шыдавас. Ол коргунчуг үш халап дугайында авам күжүр биче шаамда тоолдап, от-көс-биле ойнавас деп чагып органын амдыгаа дээр утпас мен. Ону сагып, бо назыда кайы хамаанчок от салып-даа чорбаан мен, одаглангаш, ону өжүрүп чоруур мен.

Өрт болган соонда, чүгле хүл-ыйба артып каары кымга-даа билдингир. Ындыг турбуже чак келири билек, өрттөр ында-мында кыпкан, алдын хүннүң херелдери безин черге четпес апаргылаардыр. Бойдус боду өрттенип турар чүве болза, шагда-ла хуюкталып кагбас бе?! Маңаа бистер, кижилер, буруулуг бис.

гей Монгушович Байыр-оолду хамаарыштырып болур. Ооң хайгаарап турар девискээринге сөөлгү үш чылдарда өрт үнмээн. Ол ышкаш Иштин-Хемде Валентин Каң-оолович Ондар өртке удур профилактиктиг хемчеглерни ап, арга кыдыгыларын андазын-биле чарар ажилдарны чорудуп турары мактанчыг.

— Арга-арыг өрттерин болдурбас талазы-биле эрткен чылын чамдык боттук хемчеглерни алган бис — деп, Шагаан-Арыг арга-арыг ажил-агыйының директору Сергей Михайлович Спириң чугаалааш, — Бо чылын 372 километр черни өртке удур аңдарып турар база чурттакчы чон-биле ажык-чарлыг чугааны кылыр бис — деп немел кагды. — Эрткен чылдарда болган частырыгларны катаптавас, арга-арыглар өрттерин шуут болдурбазының тускай хемчеглериниң дугайында Улуг-Хем кожуун чагыргазының коллегиязынга чоокта чаа база чугаалашкан. Аңаа бо чылын апрель 1-ден май 1-ге чедир өртке удур шалыпчы айны чарлаан. Шалыпчы ай чоруп турда, чаңгыс-даа кижилер шөлээ-чөпшээрел чок арга-эзим-нерже кирбес. Бо талазы-биле шыңгыы контрольду арга даамалдары болгаш суму чагыргалары алыр ужурулуг. Часкы, чайгы өрттерниң өөскүдүкчүлери кандыг-даа чөпшээрел албаан кижилер боор-дур. Ындыг кижилерни илередип, торгоал онаап, кем-херек-даа оттуруп турган таварылгалар бар. Эрткен чылын он бир кижини чөпшээрел чок арга кезип чорааны дээш кижилер бүрүзүнге бир муң рубль түнүг торгоал онааган бис — деп, Сергей Михайлович түңнеди.

С.М. Спириңниң чугаалап турарын езугаар алырга тайга өрттеринге кол буруулуг кижилер төтчеглекчилер болгаш куумыйыс чыыр кижилер бооп турар. Ол ышкаш сиген шөлдерин өрттедери арга-арыгларга биче эвес хораны чедирип турарын айтырга, артык эвес.

Арга-арыг ажил-агыйының ажилдакчылары арга-арыг өрттеринге удур тодаргай хемчеглерни ап-даа турар болза, чедир кылдынмайн турар чүүлдер эвээш эвес. Эң ылаңгыя чон ортузунга суртаал ажилдары дыка кошкак чоруп турар. Арга даамалдары тус черлериниң эрге-чагыргалары-биле демнежип алгаш, хөй-ниитиге даянып ажилдаар болза эки. Шаанда школаларга турган «Ногаан патрульдарның» ам сураа безин читкен деп болур. Оларны катап тургузары чугула апарган. Бо талазы-биле байлак арга-дуржулга Ак-Туруг школазына турду. Ону арга даамалы турган Кызыл-оол Комбу баштап, суур чоогунга өрт-куюмну үр үениң тургузунда болдурбайн келдилер. Ам безин Ак-Туруг ынчаар өрттер шуут болбайн турарын айтыр апар. Кижилерниң мээ-медерелинге өрт айылын болдурбас деп суртаалдың ол хире дээштиг бооп турары-дыр. Өрт-биле оваарымчалыг болуру амыдыралдың негелдизи болур ужурулуг.

Кежик-оол ЧӨРЕВЕ.

Улуг-Хем кожуун.



Мөөрей,  
мөөрей...



**А**прель 22-24 хүннеринде С.Пюрбю аттыг Улусчу чогаадылга төвүнге Улуг Тиилелгениң 60 чылынга тураскааткан «Тиилелгениң салюду» деп үшкү республика чергелиг улусчу чогаадылганың уран чүүл фестивалы болуп эрткен.

Аңаа Кызыл хоорайның болгаш он чеди кожууннарның уран чүүл коллективтери киришкен. Үш хүн үргүлчүлзэн чидиг демиселдин түннелинде дээр дээн күүселделер Гала-концертке кирген. 30 ажыг күүселделер кирген солун программалыг түннел концерт улуг-хүнде кеежээкиниң 5 шақта болган. Көрүкчүлер ону улуг сонургал-биле көргөн.

Мөөрейниң тиилекчилерин Улусчу чогаадылга төвүнүн директору Эрес Куулар даргалаан

## ТИИЛЕКЧИ - ТОЖУ

жюри тодараткан. Аңгы-аңгы номинациялар аайы-биле тиилекчилер: «Эң дээр уран чүүл удуртукчузу» – Мария Очур-оол (Тожу); «Эң дээр балет-мейстер» – Саяна Монгуш (Сүт-Хөл); «Эң дээр ниити ыры уран чүүлү» – Татьяна Кара-Сал (Чөөн-Хемчик).

Ниитизи-биле уран чүүл коллективтериниң мөөрейиниң түннели: фестивалдың тиилекчизи болуп, 1-ги черни Тожу кожуун чаалап алган, 2-ги черде – Ак-Довурак хоорай; 3-кү черде – Чөөн-Хемчик кожуун.

Василий БАЛЧИЙ-ООЛДУҢ тырттырган чуруктары. «Тиилелгениң салюду» фестиваль дугайында бистиң корреспондентивистиң чүүлү дараазында солунга үнер.



## АДА-ӨГБЕЛЕРДЕН ӨӨРЕНИР

Бай-Тайганың Ооругда төөгүн хөй-хөй тураскаалдары бар. Ында агып чыдар хемни база Ооруг дээр. Маңаа эрте шагдан бээр иргиттерниң, салчактарның, хертектерниң төрөл бөлүктери чурттап чораан.

Хемниң адаккы аксында Хову-Аксында ийи улуг базырык бар. Аржаан базырында ышкаш төрөл бөлүктүн баштыңнарын ында орунукшуткан деп бодап турар мен. Ооң чажыттарын археологтуг казыышкыннар тодарайт турар. Ол базырыктардан 200-300 метр хире черде көжээ даштар бар. Оларның чамдыктарын топтап көөрге, ортузунда чазап, хоюглап каан даш көжээ бар. Ону долгандыр хоюглап, чазаваан даштарны тургузуп каан. Ол өлгөн шериглерниң саны-дыр. Төөгүнүң аңгы-аңгы үе-чадаларында дайылдажып чоруткан, эеп чанып келбээн шериг баштыңчыларыңа, шериглерге мөңгө тураскаал даш көжээлерни тургузулааны ол. Чаңгыс-чаңгыс даш көжээлерде чоннун хүндүлээри, хөй мал азырап чораан уран-шеверлерге тураскаал болуп турар.

Көжээлерниң шуптузун даштар-биле кажаалап каан. Ындыг көжээ даштар хемниң унун дургаар кезек-кезек черлерде бар. Ада-өгбелерниң шериг-патриотчу, дайынчы чаңчылдары салгалдан салгалче дамчып келген. Ооң чижээнге Ада-чурттуң Улуг дайыныга Ооругдан 4 кижини – Лопсан оглу Адыг, Айыып оглу Тежээкей, Намзырай уруу Дарыя, Эртине оглу Агбаан оларны адап болур. Олар Украинаның хоорай, суурларын эрес-дидим хостапкыш, эеп чанып келгеннер. Оларның аразындан Эртине оглу Агбаан кара бажын Украинаның ховузуңга салган. Дөрт эки турачыларның аттарын көжээ даштарга мөңгө-жидер ужуруг бис.

Саң-Салыр, Чүрек-Хая, Чүрек-

Пөш, Аскырлыг-Хыйыг, Чараш-Ыяш деп чер аттары чоннун өскөн-төрзөн черинге, чуртунга камныын, чоргааралын илередип турар.

Хемниң үстүкү агымында эрикте даш кырындан үнгөн 2 метр хире бөлүк ыяштар бар. Олар бедип өспөс-даа, ол-ла хевээр турар. Ол ыяштар пөшке, хадыга, шивиге-даа дөмейлешпес кайгамчык чараш ыяштар. Ол-ла ыяштарны чон Чараш-Ыяш деп адап алган.

Ооруг хем аң, балык, кат, тоорук, эм ойттар, аржаан суглар-биле кончуг байлак, кайгамчык чараш бойдус чурумалдыг, мал өстүреринге таарымчалыг чер чүве. Ооругнуң эрес-кежээ чону эгээртинмес хөй мал-маганны өстүрүп чораан. Хүндүскү ордан кежээ аал коданынче мал кирип турда, динмиттиг-ле. Хөй-өшкү, анай-хураган, инек-бызаа алгырышкан, бугалар бустап мөөрээрге, арга-эзимнер чаңгыланы бээр чүве.

Буга мунуп келбедиң бе, Бустап-мөөрөп турбады бе. Буга бажы Булуң-Терек Чаңгыланып турбады бе.

Аскыр мунуп келбедиң бе, Айыңайнып турбады бе. Алаак бажы Көкпек-Терек Чаңгыланып турбады бе. Мынчаар ырлажып тургулаар чүве болгай. Арбычыга, Чылбак, Өпей, Бадыраа болгаш өскелер-даа ада-өгбелерин дөзөп, салгап, арат ажыл-агыйын чедиинкиниң чоруда бергеннер.

1942 чылда Кызылга болган республиканың малчыннар хуралына Иргит Араптан, Дамдынчап Хииниң оларны хөй-хөй мал өстүрүп азырааны дээш, «Малчын» деп хөрөк демдээ-биле шаңнаан. Ооругнуң чонунун малы одар-белчири, кодан сыңмас кончуг хөй турганын сактыр-дыр мен.

1944 чылдың чайынында Кара-Суг-Аксы деп черге бистиң аалы-

выска кожуун даргазы Салчак Онгай-оол дарга чедип келгеш, хурал болурун дыңнатты. Аалы-выс улузу чоок-кавы аалдарже дыңнадып чорупкан. Эртенинде чон чыгып кээрге, хурал эрттиргеш, Украинаның колхоз, совхозтарын катап тургузарыңа дуза кылдыр белек чыып чорударын бистиң Чазаавыс сумелээнин дарга дыңнатты. Ооругнуң кээргээчел, дузааргак чону ол кыйгырыгы дөткөп, хөй малын дораан үзүп берген. Ол малды Делик, Төре, Самба, Очур-оол суглар Көжээ баазыңа чедир сүрүп бергеш, Хакасияга дужаап берген.

Кускунуг-Шанчыг биле Ооруг хемниң аразында кызаа черлеп Ооругже баар орук эрткен. Бистиң өгбелеривис оруктун хажызыңа мурнунда аяк туткан даш кижини көжээни тургузуп каан. Ооругже барган кижини бүрүзүн ол аяк туткан даш кижини көжээ уткуп алып.

Ооругжулар чүгле мал ажылын сайзырадып чораан эвес, Ооруг хемниң эриктин чире казып, чер суггарар арык бугаларын тудуп алгаш, суггатыг черлерге тарааны тарып, элбек дүжүттү өстүрүп ап чорааннар.

Бистиң Чазаавыс чер дугайында хоойлуну хүлээп алган. Ол хоойлу езугаар Ооругнуң делгемнери мал одарладыр ийиги разрядтын черлеринге хамааржыр. Кызыл-Дагнын, Тээлинин аныктары тус чер башкарылганың удуртукчуларындан черни чөпшээрэди алгаш, ам ында чурттап турар малчыннарның кожалары болуп, кодан сыңмас хөй малды өстүрүп, бедик дүжүттү ап, ааскежиктиг, тодуг-догаа чуртталганы чедип ап, өгбелериниң чаңылын салбас-ла боорлар дээрзинге идегээр-дир мен.

Достай ИРГИТ,  
РФ-тиң алдарлыг башкызы.  
Кызыл.

## МАРАФОНЧЕ ЧАЛАЛГА

Өвүр кожууннун Ак-Чыраа ортумак школазының (мурнунда Чалааты, ам Ак-Чыраа школазының) 65 болгаш 20 чыл болган юбилейинге тураскааткан

## АЧЫ-БУЯН МАРАФОНУ

2005 чылдың апрель 29-та Ак-Чыраа суурга эртер. Аңаа өөренип, ажылдап чорааннарны школага аалдап кээринче хүндүлел-биле чаладывыс.

ОРГКОМИТЕТ.

## САДЫВЫСЧЕ

чалап тур бис

Дараазында чүүлдерни садып турар бис: чигир – 865 рубль, бирги сорттуң далганы – 330 рубль, чарба – 40 рубль, крупалар: рис ийи аңгы хевирниң – 16 рубль 50 көпеек, рис – 15 рубль, чингэ-тараа – 8 рубль, гречка – 15 рубль, перловка, сүт, сула, геркулес, алтай макароннар, растительное масло, сливочное масло, тушенка, кондитер кылыглары дээн ышкаш өске-даа барааннар бистиң садывыста бар. Садып алыкчыларны манап тур бис.

БИСТИҢ АДРЕЗИВИС: Кызыл хоорай,  
Загородный переулок, 19 а, «Эхнатон» баазы,  
№3 склад (Хүрээ чоогунда), тел: 5-38-40.

## ЧӨПШЭЭРЕЛ ЧОККА ХОРЖОК

Тыва Республикада Арга-арыг ажыл-агыйының агентлиениң чонга дыңнадыры болза

Арга-арыг хоойлужудулгазыңа, Тыва Республиканың Чазак доктаалыңа үндезилээш база өрт сезонунуң эгелээнин барымдаалааш, арга-арыгларга ажылдар чорударда, дыштанырда, дүшкен мыйыстар, кат-чимис, мөөгүлөр чыырда юридиктиг албан черлери болгаш хууда кижилер арга-арыг органның азырап-ла бүрүткедирин дыңнаттывыс.

Арга-арыг кирер чөпшээрел бижик албаан таварылгада хажыдыкчыларга хоойлу езугаар харысалганы онаар.

Тыва Республикада Арга-арыг ажыл-агыйының агентлиениң удуртукчузу С.В. САПЕЛКИН.

Тыва Республиканың Чазааның Даргазының Канцеляриязы Тыва Республиканың Улуг Хуралының Хоойлужудулга палатазының депутаты Борис Билчин-оолович Монгушка ооң авазы

Сесек Чүлдүмовна МОНГУШТУҢ  
мөчээни-биле холбаштыр ханы кажыыдалды илередип тур.

Тыва Республиканың Чазаа Тыва Республиканың Улуг Хуралының Хоойлужудулга палатазының депутаты Борис Билчин-оолович Монгушка ооң авазы

Сесек Чүлдүмовна МОНГУШТУҢ  
мөчээни-биле ханы кажыыдалды илередип тур.

## КУШ ЧОК ДЕП САНААР

Бай-Тайга кожууннун социал хөгжүлдө килдизиниң 2000 чылдың март 7-де Вера Ооржаковна БАДЫНЫҢ адынга тывысканы сериязы С № 543264 дугаарлыг «Куш-ажылдың хоочуну» шынзылгазы читкенин барымдаалааш, ону күш чок деп санаар.

Тыва Республиканың Парлалга болгаш массалыг коммуникациялар талазы-биле агентлиениң, «Шын» солунун коллективтери, ук агентилелдин экономика талазы-биле кол специализи Ольга Вадимовна Тулинага ооң өөнүң ээзи, милицияның халажылгада полковниги

Константин Мартинович  
ТУЛИНИҢ  
үр болгаш аар аарааш мөчээни-биле ханы кажыыдалды илередип тур.

ТУРГУЗУКЧУЗУ: Тыва Республиканың  
Чазаа.

Коп редактор Артур ХЕРТЕК.  
РЕДАКЦИЈАНЫҢ ТЕЛЕФОННАРЫ: Коп редактор—1-01-35, коп редакторнун оралакчылары —1-19-87, 1-40-77, тел: факс (394-22) 1-17-94, бухгалтерия —1-17-91. КИЛДИСТЕР: ниитилел-политиктиг килдис—1-18-10, культура, өөрөдиге —1-03-88, чагаа —1-03-87, көдээ ажыл-агый, үлетпүр килдистер—1-17-09.

Солун келбейн барганда, 3-14-94 телефонче долгаар. Неделяда үш катап үнер. Хемчээли парлаан 2 ама. Тираж 9500. Чагыг 44.



e-mail:shyn@tuva.ru Индекс 667000.  
Кызыл хборай,  
Красноармейская, 100

АГАР САНЫВЫС: № 4070381040000010000 БОАО Банк «Тувакредит»,  
Кызыл ИНН—1701008465; корр сч 30101810600000000729 БИК 049304729.  
Россия Федерациязының Парлалга, телерадио-дамчыдылга болгаш массалыг коммуникациялар херектериниң талазы-биле яамызының Ортаакы Сибирьде регионнар аразының девискээр эргелели «Шын» солунну 2004 чылдың май 14-те эде бүрүткээ.